

AWIG-AWIG DESA ADAT ABANGAN



DESA TEGALLALANG
KECAMATAN TEGALLALANG
KABUPATEN GIANYAR

PIDAGING

Maka BANTANG AWIG-AWIG DESA ADAT ABANGAN MURDDHA - CITTA

PRATHAMA SARGAH	3
ARAN LAN WAWIDANGAN DESA	3
DWITYA SARGAH.....	3
PATITIS LAN PAMIKUKUH.....	3
TRITYA SARGAH	4
SUKERTA TATA PAKRAMAN	4
Palet 1 Indik krama	4
Palet 2 Prajuru lan dulun desa (penglingsir).....	6
Palet 3 Indik kulkul	7
Palet 4 Indik paruman.....	7
Palet 5 Indik druwen desa.....	8
Palet 6 Sukertan pamitegep	9
Kaping 1 Karang, tegal lan carik	9
Kaping 2 Pepayonan Pepayonan.....	10
Kaping 3 Wewangunan	10
kaping 4 Wewalungan	10
Kaping 5 Bahaya	11
Kaping 6 Oanyanggra banjar.....	11
CATHURTAS SARGAH	12
SUKERTA TAT AGAMA	12
Palet 1 Indik dewa yadnya	12
Palet 2 Indik resi yadnya	15
Palet 3 Indik pitra yadnya.....	15
Palet 4 Induk Manusa Yadnya	18
Palet 5 Indik Bhuta yadnya	19
PANCAMA SARGAH.....	20
SUKERTA TATA PAWONGAN.....	20
Palet 1 Indek pawiwahan	20
Palet 2 Indik nyapian	21
Palet 3 Indik Sentana.....	22
Palet 4 Indik warisan.....	23
SAT SARGAH	24
WICARA LAN PAMIDANDA.....	24
Palet 1 Indik wicara.....	25
Palet 2 Indik pamidanda.....	25
SAPTAMA SARGAH	27
NGUWAH-NGUWUHIN AWIG-AWIG	27
ASTRA SARGAH	27
SAMAPTA.....	27

MURDHA CITTA

AUM,OM

Om swastyastu, om awighanamastu nama siddham,

Malarapan panghyangning Ida Sanf Hyang Widhi wasa, asung kerta nugraha ngawentenang kahuripan sakala niskala, ring Bhuwana agung lan bhuwana alit. Manut dresta desana wantah pawakan pasayuban krama desa rawuhing kula warga pawonganya. Desane kamanggehang Bhuwana Agung, pawonganya sowang-sowang pinaka Bhuwana Alit.

Sotanin Bhuwana Agung desana wantah pawakan Bhawa maurip, jangkep saha Tri Hita Karananya, Luwire :

- ha. Parhyangan, sahananing kahyangan, panyiwian desa genah ngarcana Ida Hyang Parama wisesa, maka jiwana desane
- na. Pawongan, krama saha warga desa maka sami pawakan Bayu pramana (Tri kaya) mawinan desana sida molah maprawerti
- ca. Palemahan, tanah kakuwuban desa, sinanggeh stula sariraning desane.

Adung patemon bhuwana kalih, larapan santa jagadhita, sinanggeh murdhaning prayojana pangriptaning awig-awig desa pakraman ring sabha krama desa adat abangan.

Pamutus sabha inucap pinaka sepat siku-siku pamatut, waktu prasida prayojanan mami kabeh prasama anghidep muwah amagehaken kadi linging awig-awig iki.

PRATHAMA SARGAH

ARAN LAN WAWIDANGAN DESA

Pawos 1

1. Desa adat puniki mawasta desa adat abangan.
2. Jebar kakuwub wawidangannya mawates nyatur :
 - ha. Sisah weten ring desa adat junjungan ;
 - na. Sisah kulon ring desa adat kelabangmoding ;
 - ca. Sisah lor ring desa adat tegallalang ;
 - ra. Sisah kidul ring desa adat bentuyung ;
3. Desa puniki kawangan antuk karang ayahan desa lan karang gunakaya wantah tunggil banjar.

DWITYA SARGAH

PATITIS LAN PAMIKUKUH

Pawon 2

Desa adat abangan ngamanggehang pamikukuh minakadi :

- ha. Pancasila ;
- na. Undang-undang dasar 1945 pamekas pasal 18;
- ca. Parda propinsi daerah tingkat I Bali No. 06 tahun 1986 ;
- ra. Tri hita karena manut sada cara agama hindu

Pawon 3

Luwir patitis desa adat Abangan :

- ha. Ngukuhang miwah ngrajegang sang hyang agama ;
- na. Ngrajegang kasukertan desa saha pawonganya sakala lawan niskala .

TRITYA SARGAH
SUKERTA TATA PAKRAMAN
Palet 1
Indik krama

Pawos 4

1. Sane kabawos krama desa inggih punika kulawarga sane maagama hindu saha ngamong karang utawi jenek mapaumahan ring sawidangan desa.
2. Sajaba punika sinanggeh tamiyu, sane kabinayang dados kalih inggih punika sane maagama hindu, miwah siwon ring maagama hindu.
3. Indik tamiyu punika manut pararem.

Pawos 5

Krama desa wenten 4 (petang) pawos,luwire :

- ha. Krama ngarap, kula warga sane ngamong karang, utawi manut pararem ;
- na. Krama pangempian/panjak kulawarga sane wenten ngamong karang nanging sampun mawiwahan ;
- ca. Krama balu, krama sane katinggal seda olih lanang utawi istri nyame, utawi sangkaning nyapihang, krama balu incap kabinayang dados :
 1. Balu makrambian, inggih punika balu sane maduwe sentana dereng marabian utawi dereng antes ngayah.
 2. Balu ngalisting, inggih punika balu sane tanpa sentana.

Pawos 6

Ngawit dados krama desa :

- ha. Sangkaning ngamong karang ,jenek mapaumahan utawi manut pararem ;
- na. Mawiwat pawiwahan.

Pawos 7

Panamaya tedun makrama desa :

- ha. Nyabran sasih kasanga sha majalaran antuk paigum saderenganya arep ring krama sane ngamong karang ayahan desa ;
- na. Ngantos nemu piodalan ageng ring khayangan tiga mawiwat pawiwahan ;
- ca. Jenak mapaumahan, manut pararem ;

Pawos 8

Sahanan krama desa keni tategenan luwire :

- ha. Ayah ngarep, mapiteges urunan miwah ayahan mamungkul ;
- na. Ayah pangempian, mapiteges urunan saparo saking krama ngarep ;
- ca. Ayah balu, ayah miwah urunannya manut kahanan balu incep ;
- ra. Ayah tapukan, keni urunan manungkul.
Kaluputang ayah-ayahan,ngantos mayusa 17 warsa, utawi sampun ayahnya, malarapan ilikita pastika saking sekolahnya.
- ka. Prade rikalaning ngayah wenten sinalih tunggil krama matilar tanpa sadok sadereng puput karya, wenang krama incup keni pamidanda manut pararem, tanjek laler kawastanin.

Pawos 9

Swadharman krama,sewosan ring tategenan,luwire :

- ha. Tinut saturut ring sadaging awig-awig, pararem lan paswaran desa ;
- na. Tan maren ngutsayang mangda desane mrasidhayang nyujur manut patitis ;
- ca. Tinus satutut ring guru wisesa.

Pawos 10

Swadharman tamiyu, luwire :

- ha. Tinut saturut ring yasa kartin desane ;
- na. Tan piwal ring sadaging awig-awig, pararem lan paswaran desa ;
- ca. Nyadohang raga ring prajuru arahina sasampun jumenek malarapan antuk ilikita pastika saking desane utawi sang ngawawenang ;
- ra. Yan tan tinut pacang kairid (tan kadadosang jumenek ring desa).

Pawos 11

Pioli – olihan krama :

- ha. Pioli pasayuban sakala niskala tur kabawosin saha katwakin pamutus sahanana wicaranya ;
- na. Nyarengin paruman tur wenang sareng mastikayang pamutus ;
- ca. Kadadosang madeg prajuru, manut pararem ;

Pawos 12

Krama desa adat kadadosang :

- ha. Mapoangkid utawi tan tedun :
 1. Rikala mapawangun ngeraabin, mayadnya, nandur (mamulih) maepetin rare, sungkan kaluasan, lan siosan puniki ;
 2. Dengin tempo wantah apisan, sajawanin wenten wak-wakan saking prajuru desa ,
- na. Nyada , mapiteges ngamademang ayah, risampun mayusa 70 wastra, tur tan dados nyuksukin, sang nyada mangda digelis (sajeronin awarsa) mangda nyantenang panyeledihin ;
- ca. Nyade, utawi nyuksukin, sane kawenangang risampun manggeh deha-teruna utawi mrasidayang nganutin krama ;
- ra. Nutug ayah antuk arta brana saantukin kapialang utawi ngentos ayah-ayah antuk arta barana manut paetangan soang-soang tempek, manawi kajudi olih sang nawabfrat, utawi kaluasan salami 3-7 rahina

Pawos 13

Wusan dados krama desa, luwire ;

- ha. Sangkaning ;
 1. Pinunas ngerage, manawi kesah kadura desa utawi ngalangkungin sagara ;
 2. Kanorayang, duaning sampun tan prasida ngehehin solah maprawerti satata nguwig pamargin awig-awig.
 3. Wusan makrama desa mapiteges taler wusan nakrama banjar utawi wusan makrama banjar mapiteges wusan makrama desa, mangda sampunang kasinanggeh empak ngelanting.
- na. Sang wusan makrama ;
 1. Patut ngaturang karang ayahan ka desa, prade karang punika karang desa ;
 2. Tan polih pah-pahan saking padruweyan desa sajawanin pah-pahan padruwen ring tempek manut pararem.
 3. Tan polih pasayuban sajeroning ala ayu.
 4. Sang wusan makrama desa/banjar prade mawali mawih malih patut nawur saurah arih tategenan krama manut pararem.
- ca. Sang wusan sangkanin kanorayang, prade mawali malih patut ;
 1. Muntasang saluwir pamidanda utawi tategenan sane ngranayang kanorayang ;
 2. Nunas geng pangampura ring paruman desa maduluran panyangaskara panyapsap kaiwahan duwaning nguwig pasubaya pecak.

Palet 2
Prajuru lan dulun desa (penglingsir)

Pawos 14

1. Desa adat abangan kaenter olih bendesa adat.
2. Banjar kaenter olih klian banjar.
3. Bendesa lan klian banjar patut :
 - ha. Mawiwat saking krama ngarep/wed kajangkepin antuk :
 1. Uning ring aksara latin utawi bali ;
 2. Uning ring tata titining mawi desa;
 3. Uning ring pariindik agama lan adat;
 4. Lascarya ngayah tur madruwe parilaksana sane rahayu.
 5. Tan cedangga.
 - na. Kaadegang malarapan antuk kacatri olih parumannya soang-soang nyabran 5(limang) warsa, sajawaning wenten pariindik tios, tur dados kacatri malih;
 - ca. Maduluran dewa saksi ring pura bale agung

Pawos 15

1. Bendesa adat kasanggra olih :
 - ha. Patajuh utawi pangliman pinaka wakilnya ;
 - ca. Panyarikan pinaka juru surat ;
 - ra. Patengan utawi juru raksa pinaka pangamong druwen desa ;
 - ka. Kasinoman pinaka juru arah.
2. Kasinoman akehnya manut kawigunan saha magilir nyabran ngasasih.
3. Sajeroning ngenterang kasukertan niskala, bendesa mingsinggihang pamangku kahyangan desa utawi sang rumaga sulinggih.

Pawos 16

1. Swadharmaning bendesa adat luwire :
 - ha. Ngenterang pamargin sadaging awig-awig miwah pararem desa;
 - na. Nuntun tur ngenterang krama rawuhing warga desa sami ngupadi manut patitis ;
 - ca. Mawosin kalih niwaking pamutus arep ring wicara warga desa ;
 - ra. Maka dutta desa matemuang bawos ring sapa sira ugi.

Pawos 17

Patitis utawi olih-olihan prajuru/dulun desa, luwire :

- ha. Luput rerampen lan papeson ;
- na. Polih tanding tengah ;
- ca. Upon pacatu/paloba carik/tegal;
- ra. Patias sewosan manut pararem ;

Pawos 18

1. Prajuru / dulum desa kagentosin riantukan :
 - ha. Seda
 - na. Kanorayang dwaning iwang pamargi utawi nilar sesana ;
 - ca. Wit saking pakayun utawi pinunas ngaraga.
2. Nganorayang utawi ngentosin prajuru/dulun-dulun patut sajeroning paruman tur kaingkupin olih krama desa .

Palet 3
Indik kulkul

Pawos 19

1. Kulkul ring desa luwire :
 - ha. Kulkul ring kahyangan ;
 - na. Kulkul desa ;
 - ca. Kulkul banjar ;
 - ra. Kulkul sekaa-sekaa ;
2. Tabuh tatepakan kulkul ring kahyangan desa :
 - ha. Nungtit/silih asih, tengeran wenten yadnya/upacara ;
 - na. Tulud lambat, tengeran tedun ngayah ;
 - ra. Bulus , tengeran wenten bhaya.
3. Tabuh tatepakan kulkul ring soang-soang bebanjaran :
 - ha. Bulus :
 1. A tulud bulus , tengeran kageni bhaya ;
 2. 2 (kalih) tulus bulus, tengeran kapandungan (artha bahya) ;
 3. 2 (kalih) tulud bulus, tengeran jiwa bhaya ;
 4. Tigang klentungan bulus panjang, tengeran lindu, er, lan pawona bhaya.
 - na. Lambat :
 1. 2 (kalih) tulud lambat, tengeran tedun ngayah utawi wenten pakaryan .
 2. Nungting silih asih tengeran, surya grha, bulan kapangan;
 3. A tulud lambat, tengeran kalayu sekaran.
 - ca. Klentungan :
 1. 3 (tigang) klentungan , tengeran rare embas ;
 2. 5 (limang) klentungan, tengeran pawiwahan ;
 3. 9 (sia) klentungan ngempang panjang, tengeran ngawangdeang karya.

Pawos 20

- 1). Kulkul desa utawi banjar tan wenang katepak yening tan sangkaning pituduh prajuru desa/ banjar sajawaning tengeran bhaya.
- 2). Sang nepak tan sangkaning pituduh patut digelis atur supeksa maka buatan panepake, yan tan sapunika wenang sang mawurung kadanda manut pararem.
- 3). Kulkul sekaa-sekaa samaliha kulkul pondokan-pondokan tan kalurga nyawerin (matehin) sukat utawi tengeran kulkul desa/banjar sajawanin tengeran bhaya,prade mamurug taler kadanda manut pararem.

Palet 4
Indik paruman

Pawos 21

1. Paruman/sangkepan ring desa adat abangan, wenten :
 - ha. Parum desa/Banjar, kawentenang :
 - 1). Nyabran ngasasih, maka cihna tanpa arah-arrah, dwaning sampun tetep panamaya manut pararem babanjaran soang-soang, nemonin rahina bhuda kliwon.
 - 2). Napakala (padgata kala) maka jalaran arah-arrah manut tatujon.
 - na. Sangkepan prajuru/ dulun desa, kawentenang manut wiguna ;
 - ca. Paruman sekaa-sekaa manut pabuat.
2. Paruman desa utawi banjar madudonan sakadi ring sor :
 - ha. Prasida lumaksana risampun katedunin olih sang patit ngamiletin, kamanggala antuk tengeran kulkul miwah mabusana adat madya, saha tan kalurga makta gegawan sakaluwire, tan widhi widana cane ;

- na. Maka sarana jaggi, pangawit kalaksanayang panyacak sep-sepan saha riwusannya nyacak, ngetang dadosan gung alit manut pararem ;
- ca. Tan kalurga ngawetuang suwara gora utawi byota, yang wenten asapunika keni pamidanda beya pacamil kadi dandaning nguman-nguman ring sabha;
- ra. Pamutus babawos beriuk sapanggul (ingkup) punika kamanggehang;
- ka. San makrama patut anut ring paruman ;
- da. Sapasira sane ten nganutin paparuman tan kadadosang sareng makrama .

Pawos 22

1. Sajeroning paruma desa, bendesa patut nyobyahang pamargin ngenterang desa, pamekas nganinin indik :
 - ha. Munjuk lungsurang pakraman saha ayah-ayah, sulur arta berana, druwen desa ;
 - na. Rarincikan prajuru/ dulu nganinin usaha desa kapungkur.
2. Pamutus paruman desa sinanggeh pararem maka pamitegep daging awig-awig.

Pawos 23

- 1). Sangkepan prajuru/dulun desa kawenangang wantah ngarincikang pangerencanaan usaha desa kapungkur
- 2). Sangkepan prajuru / dulun desa ntan kawenang ngawedalang tategenan ring krama sadereng kaingkupin olih krama desa ring paruman
- 3). Pamutus sangkepan prajuru / dulun desa ngawetuang pasuwara, maka pidaging pituduh sang ngawawenang utawi ngonekang pecak pararem krama desa.

Palet 5 Indik druwen desa

Pawos 24

Padruwen desa adat abangan sakadi ring sor :

- ha. Kayangan desa luwire :
 - 1). Kahyangan tiga : pura desa lan bale agung ,pura puseh, pure dalem, lan prajapati
 - 2). Pura panataran.
 - 3). Pura padma ring banjar.
- na. Wantilan desa ;
- ca. Tanah tegalan (manut ilikita) ;
- ra Karang ayahan desa, munjuk lungsur saking 56 karang ring ajeng ;
- ka. Setra-setra palebahan, makadi setra pangacep, rare ;
 - da. Palaba pura carik/tegal (manut ilikita);
- ha. Lelangunan , makadi gong abarung.
- na. Nyasa , sasanthi.
- ca. Miwah padruwean tiyosan.

Pawos 25

Pioli – olihan desa adat abangan luwire :

- ha. Pioli – olihan saking palaba pura ;
- na. Urunan krama drsa adat ;
- ca. Paica saking guru wisesa, marupa palaba tegal 35 are magenah ring desa adat pisang ;

- ra. Paica – paica sane tiyosan, sane patut ;
- ka. Utusaha desa adat .

Pawos 26

- 1). Prajuru / duluan desa wenang ngetangang pamupon laba pura lan sapanunggalan druwen desa .
- 2). Pikoli lan pamuponnya kaanggen prabeya piodalan saha wewangunan ring pura miwah anggen kabutan desa adat.
- 3). Nyabran pasangkepan desa, prajuru/ dulun pangamong driwe desa nguningayang pariindik manujuk lungsuring padruween ring krama desa.
- 4). Sakaluwiring druwen desa patut wenten ilikitannya .
- 5). Tan kalugra ngadol utawi ngesahang padruwenyan desa yan tan kasungkemin olih krama desa ring paruman .

Palet 6 Sukertan pamitegep Kaping 1 Karang, tegal lan carik

Pawos 27

- 1). Krama desa pangamong karang desa utawi karang gunakaya patut ngawatesin karang inucap antuk tembok utawi pagehan mangda pakantenannya asri .
- 2). Wates sisi kaler miwah kangin patut kakaryanin olih sang ngamong karang ayahan inucap, sane mawastra gegaleng kaluan, sajawaning tanah pacatu, tegal , carik utawi tanah padruweyan ngaraga, sane kapiara wates sisi klod miwah kauh utawi manut drestha sang ngawawenang .
- 3). Prada karasayang pagehan / turus inucup ngalikadin, yen pada arsa panyandinge, kangin watese nganggen pinget kawanten, kasaksinin olih prajuru/dulun desa utawi prasihna pal saking sang ngawawenang .
- 4). Prada wenten karang kabebeng/ embet mangda kautsahayang wenten pamarginnya, manut paigum lan pararem .
- 5). Tan kangin :
 - ha. Ngentungan luhu, wangken wewalungan kapakarangan/tabel anak lian kalih kamargine utawi katukade ;
 - na. Ngembahang toya wit badan wewalungan, kakus, pasiraman, pawaregan miwah sane tiyosan kategal, carik, kamargine utawi katukade sane ngranayang ambu kawon ;
 - ca. Peade wenten sakadi ring ajeng keni pamidanda manut pararem.

Pawos 28

- 1). Sinalih tungguil krama desa/banjar tan kalugra :
 - ha. Ngalah-alah margi, tegal ayahan desa, karang desa, lan sapanunggalanya ;
 - na. Ngalah-alah tanah linggih kahyangan, tegak setra, lan sakancan linggih sinanggeh suci .
- 2). Prada wenten sakadi ring ajeng, sang ngalah wenang ngawaliang tanah incap saha keni pamidanda manut pararem kaduluroin upakara prade ngalahlah tanah suci.

Kaping 2 Pepayonan

Pawos 29

- 1). Ngawit nandur pepayonan taman tuwuh patut adepa agung (1 ½ meter) ngajeroang saking wates, prade jantos ngaliwat wates wenang kasepat gantungin.
- 2). Yening wenten tatanduran ngungkulin, samaliha mawastu mayanin kapisaga patut kawarga antuk paiguma ping ajeng mangda prasida sang nruwenang wit ngarebah utawi notor .
- 3). Prada sampun kawara taler tan wenten usaha sang nruwenang wit, sang rumasa katetehan/ kajerihan wenang masadok ring prajuru/dulu, tur risampun kaparitas kalugra mademang wit incup, sakewanten patin pepayonan patut katawur manut pangeloika sane nepasin .
- 4). Sang keni pamidanda panyangaskara saha prabeya manut pararem arep ring wewangunan sang karubuhin, luwire ;
 ha. Sang nruwenang wit sinanggeh mayanin, prade pungkut ngarubuhin wewangunan krama tiyos ;
 na. Sang notor, munggul utawi ngarebah taru tur ngarubuhin krama tiyos .
- 5). Prada wenten wit mentik sajronin wates patut kapademang, mangda tan ngranayang wicara, prada sampun ageng kapademang, mangda tan ngranayang wicara. Prade sampun ageng kapademang, wit punika pinara tiga ;
- 6). Krama desa patut ngamanggehang kawerdin tanem tuwuh sane ngawinang desane asri .

Kaping 3 Wewangunan

Pawos 30

- 1). Nyabran ngawangun patut :
 ha. Masadok ring prajuru / dulu, ping ajeng prade wewangunan nganinin wates :
 na. Ngangge sukat astra bhumi miwah gagulak asta kosala-kosali, sanistane manut ring patitis niskala ;
 ca. Tan dados ngembahang toya wit saking jempeng/W.C, miwah belengbeng/bada ka pisaga.
- 2). Prada wewangunan jantos nyayubin bilih-bilih temboke ring telengin wates, risampun kawara tur kasadokang ring prajuru/dulu, wenang kadanda manut pararem saha tembok inucap kagubar utawi sanistane mangda kakaryanang abangan .

kaping 4 Wewalungan

pawos 31

- 1). Warga desa sane mamiara wewalungan patut sayaga nitenin negul / ngalogor mangda tan ngarusak karang utawi pabianan krama sewos, bilih-bilih jantos ngaranjing ngaletihin kahyangan .
- 2). Prade wenten wewalungan malumbar utawi ngeleb ngarusak pakarangan/pabianan krama sewos, risampun kawarga dados kataban tur kadanda ngawaliang wit sane karusak saha nawur panebas papiaran tetaban, manut pangeloikan prajuru/dulun desa .
- 3). Prade jantos ngaletihin linggih suci, minakadi pamrajan, risampun kaparitas olih prajuru/dulu wenang sang nruwenang kadanda mabuhu agung (caru eka sata, maduluran tebasan prayascita durmanggala), prade ngaletihin kahyangan

desa utawi pura pamaksan, wenang nyaronin antok panca sata makerep itik belang kalung .

- 4). Krama desa patut nyanggra wewalungan miwah sarwa prani, tan kapatutang ngamademang paksi, nuba ulam, miwah sane sewosan . prade wenten malaksana sakadi punika keni pamidanda manut pararem tur kaaturang ring sang ngawawenang .

Kaping 5 Bahaya

Pawos 32

- 1). Praiindik bahaya, luwire : jiwa bahaya, artha bahaya(kapandangan), dura cara ring agama .
- 2). Sang manggihin kahanan jiwa bahaya, patut nepak kulkul bulus mapitulung manut pawos 19 (3) aksara ha
- 3). Prade ring desa kahanan jiwa bhaya, patut desane ngaturang bhuta yadnya, tur sang mayanin kaaturang ring sang ngawawenang .
- 4). Prade wenten jatma mamisuh utawi nguman-uman jadma tiyos, kakenanin pamidanda beya pacamil maduluran tebasan parayascitta .
- 5). Yaning wenten jatma majengilan ring bale banjar, ring pura, utawi ring genah sane kasinanggeh suci, keni pamidanda manut pararem, maduluran panyangaskara prade sang majengilan kantos ngamedalang rah .

Pawos 33

- 1). Sang manggihin kahanan artha bhaya (kamalingan), patut ngulkul mapitulung manut ring pawos 19 (3) aksana ha utawi sang kamalingan atur supeksa ring prajuru/ dulun desa sane pacang nimbangin utawi nandanin manut pararem, saha maweweh panyangaskara prade wenten jatma ngamaling barang sinanggah suci .
- 2). Pratingkahe mapailon ring dusta kabawos saruron, prada wenten jatma manggihin maling tan nyadokang ring prajuru/dulu jantos jatma tios nyaduung, patut kadanda kadi dandaning malih, sakweh pangargan wit manut cacakan banjar, tur prade jantos ping tiga malaksana asapunika wenang kasukserah ring sang ngawawenang .
- 3). Prade wenten jadma ngarereh reramon, minakadi daun kelapa, ron miwah sane sewosan tanpa sadok ring sang nruwenang wit, prade kacunduk (katara) patut kadanda kadi dandaning maling .
- 4). Yening wenten jatma ngaranjing kapakubon wiadin pakarangan jatma tiyos rikala suweng, mawastu sang madruwe karang kaicalan, wenang jatma inucap katuwekang antuk madewa saksi ring pura bale agung .
- 5). Mangda tan matuwekang manut sakadi ring ajeng, asing-asing ngaranjing kapakubon jatma tiyos patut :
 - ha. Matengeran suwara (makaukan ;
 - na. Nyantos sang nruwenang karang rawuh utawi masadok ring pangapit pinih tampek, maka buatan pangaranjinge ;
 - ca. Pamedal karangnya kadagingin sawen, maka cihna pangarah rikala suwung .

Kaping 6 Oanyanggra banjar

Pawos 34

Krama desa rikala ngawentenang karya suka-duka, patut kasanggra olih banjar, luwire :

- ha. Prade ngawangun pitra yadnya utawi manusa yadnya, patut kasanggra olih banjar, luwire;
- na. Pangaromba utawi karya gotong-royong krama jantos ping tiga, langkungan ring punika patut katuran pangigu ;
- ca. Pangigu rikala pitra yadnya manut abot dangan yadnya, prade saking semengan ngantos wengi katuran pangu ping kalih.
- ra. Pangaromba tiyosan manut pararem .

CATHURTAS SARGAH

SUKERTA TAT AGAMA

Palet 1

Indik dewa yadnya

Pawos 35

- 1). Kahyangan panyiwian ring sawidangan desa adat abangan luwire :
 - ha. Kahyangan tiga, pura desa/bale agung, puseh miwah pura dalem lan prajapati ;
 - na. Pura padmasana ring bale banjar ;
 - ca. Pura panataran ;
 - ra. Pura baji.
- 2). Rahina piodalan ring soang-soang kahyangan inucup, kadi ring sor ;
 - ha. Ring kahyangan tiga, luwire ;
 1. Pura desa / bale agung , rikala budha umanis wuku prangbakat ;
 2. Pure puseh, rikala budha umanis wuku prangbakat ;
 3. Pura dalem, rikala anggara kliwon wuku landep ;
 - na. Pura prajapati rikala anggara kliwon wuku julungwangi ;
 - ca. Pura padmasana rikala saniscara kliwon wuku landep ;
 - ra. Pura panataran rikala anggara kliwon wuku dukut ;
- 3). Pangaci ring pura incup manut kacep sastra agama, saha kalaksanayang nista, madia utawi manut kawentenan lan pararem
 - Rikala odalan ring kahyangan tiga nemoning purnama patut ngambil kakaryan madya/padudusan ;
 - Rikala piodalan ring pura dalem nemoning tilem kasanga patut ngambil kakaryan madya/padudusan.
- 4). Pangempon soang-soang pura manut dresta kadi ring sor ;
 - ha. Pura desa, puseh/bale agung kaaempon olih krama desa adat ;
 - na. Pura panataran, pura dalem kaempon olih krama desa adat ;
 - ca. Pura padmasana lan prajapati kaempon olih krama banjar ;
 - ra. Pura beji kaempon olih krama desa adat ;

Pawos 36

- 1). Wantah wenten mangku dalem, lanang lan istri, mangku desa lanang lan istri.
- 2). Ngadegang pamangku manut dudusan :

Nyanjan utawi masembuang, soang-soang mapiteges mapinunas ring ajeng pura widin kadura desa manawi ring balian konteng, lan sapanunggilannya ;
- 3). Tan kawenang adegang pamangku luwire :
 - ha. Cendangga makadi peceng, perot, cungh lan sapanunggilan ipun ;
 - na. Sang sapisira ugi sane tan kapatutang manut pararem ;
 - ca. Sakit ila, edan, buduh lan ayan ;
 - ra. Sane tan madrebe kasucian urip .
- 4). Prabia kapamangkuan :

- ha. Adiksa widhi (ngawintenin) lanang istri kamedalin saha kalaksanayang
 olih desa adat ;
- na. Mapitra yadnya riwekas lanang miwah istri patut kasungkemin olih krama
 desa/pangemong sanistane brahma prayascita.
 I krama desa padagingan luwire :
- Ha). Beras 4 pikul sareng sami ;
- Na). Takuh 1 (asiki) soang-soang ;
- Ca). Nyuh 1 (abungkul) soang-soang ;
- Ra). Gesing 1 (akatih) soang-soang.
- ca. Yan wenten sinalih tunggil krama, ngipik-ngipik sapari polih pamangku
 nanging pamangku, tan wenten sapari polih nyane kadi sani ka ipikan-
 ipikan wenang jatma punika kasisipang nyuciang pamangku
 (ngawintenin) pamangku .
- 5). Pamangku wenten sinalih tunggil krama, ngipik-ngipik sapari polih pamangku
 nanging pamangku, tan wenten sapasari polih nyane kadi sane ka ipik-ipik wenang
 jatma punika kasisipang nyuciang pamangku (ngawintenin) pamangku .
- ha. Ambek dharma sadhu ;
- na. Asewaka dharma, makadang sastra utama ;
- ca. Tan parak ring naya dustha ;
- ra. Tan atayub ring tarub camara yudha ;
- ka. Tan manjing ring umah wong banija karma ;
- da. Tan manjing ring umah wong drati krama ;
- ta. Tan wenang ajajuden ;
- sa. Tan anginum asing angawe mada ;
- wa. Tan pati pikul-pikulan ;
- la. Tan salah suluh ;
- ma. Tan wenang anayub upadrawaning cor, yan mawiyawahara teka
 wenang adewa saksi ;
- ga. Tan griganing wong akweh ;
- ba. Tan keneng cuntakaning wong len, sajawanin kulawarganya tunggil
 natah, utawi pasiwananya manut dresta .
- 6). Prade mamurug, wenang pamangku nyepuhin raga kasaksinin olih desa .
- 7). Yan pacang ngawalat rabi wenang ngaturang rumuhan pawintenanya, ring pura
 genahnya madeg pamangku nguni, tembenya wawu wenang ngawalet rabi, riwus
 upacara wenang ngawana wasa salaminya atahun, wus punika wawu mawinten
 lakibi kadi pawintenanya nguni .

Pawos 37

- 1). Swadharman pamangku luwire ;
- ha. Ngenterang upacara piodalan ring kahyangan utawi ring soang-soang
 pakubon krama ;
- na. Prade salah sinunggil pamangku kapialang utawi cuntaka, dados nuur
 sang sulinggih .
- ca. Samaliha yan sampun pamangku ngayah ring pura kanncut wenten
 kulawargannya seda, pamangku incup tan keneng cuntaka sakewanten
 pamangku tan budal salami piodalan .

Pawos 38

- 1). Patitis utawi olih-olihan pamangku luwire ;
- ha. Panyolasan miwah sarin canang ring soang-soang pakubon ;
- na. Upon palaba carik polih 5(limang) kampil ;
- ca. Luput padagingan ring soang-soang amongan, sajawanin wenten
 wewangunan amongan pamangku ;
- Mangku desa ring pura desa lan pura penataran ;
 - Mangku dalem ring pura dalem, padmasana.

- ra. Sarin canang satunggil odalan jro mangku polih (1/3) nenten nganinin jinah bolong .
- ka. Yan wenten aturan/ dana punia ring pura, punika dados duwen desa .
- da. Ring odalan wenang ngambil :
 - 1. Suci patarnan ;
 - 2. Suci ring gedong panyimpenan .
- ta. Tapakan palinggih polih 3(tiga) .
- sa. Disurya sapadagingane duwen tukang banten.
- wa. Salami piodalan jero mangku sinalih tunggil mangda wenten ring pura (makemit) .
- la. Jero mangku muang para juru patut nunas ring pura manut pararem .

Pawos 39

- 1). Pamangku kagentosin riantukan :
 - ha. Seda ;
 - na. Pinunas ngaraga, sangkanin lan sapanunggalannya ;
 - ca. Kauwusang olih krama sangkanin malaksana sane tan patut .
- 2). Prade pamangku kauwusang sangkaning malaksana tan patut keni pamidanda manut pararem saha ngawaliang prabiya pawintenannya pecak .

Pawos 40

Kasukertan kahyangan kadi ring sor :

- ha. Tan kalugra ngaranjing ring pura luwire :
 - 1. Sang katiban cuntaka makadi sebel ring raga utawi kapademan ;
 - 2. Makta sahanin barang sinanggih ngaletihin ;
 - 3. Sato agung, sajawaning rikala mapapada ;
 - 4. Mabusana sane tan pautu kadi tataning ngaranjing kapura ;
 - 5. Sadereng polih wak-wakan (pituduh) prajuru / dulun desa .

Sang sapa sire mamuuk wenang ka tiwakin pamidanda nyarunin pura incupan manut alit, agung iwangnya.
- na. Pratingkahe tan wenang ring pura :
 - 1. Masumpah (macor) sajawaning pituduh prajuru/dulun desa ;
 - 2. Wak parusya/wak capala, makobetan, masasenengan, mabacin, mawarih, macecepinrare, majaljal/majengilan nyangsang busana, menahin pusingan (santukan punika rikala majajahitan patut ngelung busung macingor lidinya) ;
 - 3. Munggah tedun palinggih sajawaning pituduh prajuru/dulu desa .
- ca. Sang mamurug kecap ring ajeng keni pamidanda pamrayascitta sapatutnya .

Pawos 41

- 1. Yan wenten jadma karawuhan ring desa, dados kapintonin prade rumasa kasumangsayan, yan tan wiakti, jatma incup kasisipang manut pararem . jatma incup patut keni pamidanda nyarunin pura incup, caru panca kelud ring pura suwang .
- 2. Prade kahyangan, kahanan durmangala, minakadi keni bhaya pamangki/sang manggihin, patut digelis nyadokang ring prajuru/dulu mangda marumang krama desa tur ngawentenang pamrayascitta sapatutnya .

Palet 2
Indik resi yadnya

Pawos 42

1. Sang pacang madeg pandita utawi pinandita utawi pinandita minakadi balian sonteng, kubayan, dalang, sakaluwiring sane jagi ngenterang yadnya patut masadok ring prajuru desa utawi parisada hindu dharma indonesia .
2. Prajuru desa patut ngawas nitenin tur wenang ngalangin prade wenten kacihnan nyasarring kakecap miwah drestane, tur sareng nyaksinin upacara saha nyobyahang ring paruman desa tegap rawuhing wates kawenangannya ngenterang yadnya .
3. Krama desa patut ngaturang ayah sapamadeg miwah ring pangelepas sang sulinggih riwekas katuntun olih prajuru/dulu desa .

Pawos 43

1. Sang sulinggih lan pamangku patut ngariyining muputang ring wawidangan desa adat abangan, sasampun punika wawu muputang yadnya kajabar tios desa utawi kadura desa .
2. Krama desa sami patut sareng ngawas nitenin katuntun olih prajuru/dulu-dulu desa, mangda sahanan yadnya sane kawentenang kaicen pamuput olih padanda utawi pinandita manut kawenangannya soang-soang .
Sane patut muputang wali manut dudonan wali sane kalaksanayang :
 ha. Nista / papudakan patut kapatut olih jero mangku ;
 na. Madya . padudusan patut kapuput olih jero mangku ;
 ca. Madya / padudosan, patut kapuput olih ida padanda (sulinggih).
 ra. Utama / nyenuk, ngingkup ngenteg linggih, patut kapuput olih ida padanda lan senggu .

Palet 3
Indik pitra yadnya

Pawos 44

Pamargin pitra yadnya madudosan manut sakadi ring sor :

- ha. Pangupakara sang kalayu sekaran :
- 1). Antuk mendem utawi ngeseng, makacihna pakinsan ring ibu pratiwi utawi ring geni, salami nuptupang prabeya ;
 - 2). Atiwa – atiwa (pangabenan / palebon) .

Pawos 45

Swadharmaning lan tategenan prade wenten sinalih tunggil krama kalayu sekaraan :

- ha. Sang kaduhkitan patut :
- 1). Nyadokang ring klian tur nunas tatimbangan ring kawentenannya ;
 - 2). Ngaturin banjar ngerombo makarya enteh-enteh sawa saha nganter kasetra, tur katuran panyambrana canang sasida-sasidaan.
- na. Swadharmaning banjar :
- 1). Klian banjar maritatas pamargin sang kaduhkitan, napika pacang kapendem, makingsan riya utawi lantur kaabenang ;
 - 2). Prade kapendem, raris kaswarayang kulkul pamitahu manut pawos 19 (3) aksara na olih klian banjar utawi wakilnya .
 - o Patahu atulud biasa ;
 - o Tedun ngayah duang tulud ;
 - o Mamargi ka setra ;

- Ngurugin yen polih makingsan ;
- 3). Panyanggran banjar salanturnye :
 - Soang – soang krama patut nedunang patus beras, jinash, miwah manut pararem .
 - Ngarombo ngaryanin enteh-enteh sawa, kasarengin olih krama sane rawuh ngarombo .
 - Sami krama banjar nganter kasetra jantos puput pamendemane.
- ca. Tan kengin ngalelet langkungan ring 7 (pitung) rahina, tur patut polih pagebangan apisan saking banjar :
 - 1). Dados ngalelet langkungan ring 7 rahina yam sampun wenten pasadok ring klian, tur jagi pacang gelis ka absen (palebonang) .
 - 2). Polih pagebag salami ngalelet polih panyanggra wedang ping 2 (kalih) .
- ra. Tan kalugra nginepang bangbang miwah mendem rikala :
 - 1). Semut sadulur ;
 - 2). Kala gotongan ;
 - 3). Pasah ;
 - 4). Kliwon, kajeng kliwon ;
 - 5). Soma , umanis , taulu ;
 - 6). Was panganten ;
 - 7). Ingkel wong ;
 - 8). Prawani , purnama, tilem ;
 - 9). Rerahinan jagat ;
- ka. Prade wenten kalayu sekaran rikala piodalan, kengin mandem / dados :
 - 1). Tanpa sadok ;
 - 2). Tan nyuwarayang kentongan/kulkul ;
 - 3). Mamargi wengi / sasiliban .
- da. Pamargin pamendeman utawi palebonan mangda nganutin sastra agama lan dresta .
 - 1). Ngaben / palebon 3 (tigang) warsa apisan ;
 - 2). Sadurung wenten 3 (tigang) warsa kawenangang manut pararem ;
 - 3). Jro mangku lanang lan istri kadadosang ngaben / palebon nadak (dadakan) dados pribadi sadurung waneng (tan polih patus) .

Sane mawastra pegat nyambung inggih punika :

- 1). Yan wenten krama pacang mapegat / nepung tawarin nanging raris wenten jatma seda malih, sang sane mapegat / nepung tawarin tan kadadosang mapegat ;
- 2). Riwus wenten anak mapegat / nepung tawarin wenten jatma seda, sang maduwe kalayu sekaran tan kadadosan mendem sarahina utawi nglangkar (arahina) ;
- 3). Prade wenten anak seda lanang istri, tan kadadosang kasetra sinarengan utawi mangda maselat (arahina / awai) .

Pawos 46

1. Sane kasinanggih kacuntaka sakadi ring sor :
 - ha. Cuntaka antuk kalayu sekaran ;
 - na. Cuntaka antuk ngraja swala ;
 - ca. Cuntaka antuk ngembasang putra ;
 - ra. Cuntaka antuk karuron ;
 - ka. Cuntaka antuk sakit ila, buduh ;
 - da. Cuntaka antuk pawiwahan ;
 - ta. Cuntaka antuk gamia gamana ;
 - sa. Cuntaka antuk salah timpal ;
 - wa. Cuntaka antuk yening wenten anak istri mobot nenten kaupakaryanang pabiukawonan miwah pawidiwadana ;
 - la. Cuntaka antuk mamitra ngalang ;
 - ma. Cuntaka antuk yaning wenten anak istri ngamedalang putra sadurunge maupakara pabiukaonan miwah pawidiwadana ;
 - ga. Cuntaka antuk sad tatayi .
2. Sengker cuntaka manut kawentenannya :
 - ha. Cuntaka kalayu sekaran :

- 1). Sane ngarepin saking nyumining bah ngantos ngurugin mawewah 12 rahina .
- 2). Pangapit saking nyumuning bah ngantos ngurugin maweweh 12 rahina .
- 3). Krama banjar saking wenten kulkul patahu ngantos ngurugin maweweh 3 rahina .

Cuntaka kalayu sekaran yan makingsan :

- 1). Sane ngarepin saking nyumunang bah ngantos ngurugin maweweh 12 rahina .
- 2). Pangapit saking nyumuning bah ngantos ngurugin maweweh 12 rahina .
- 3). Krama banjar saking maswara kulkul patahu ngantos ngurugin maweweh 3 rahina .

na. Cuntaka antuk ngraja swala, 3 rahina ngawit saking ngraja swala utawi salaminya ngraja swala ;

ca. Cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarayang makakambuhan lan maperayascita manut sastra agama, lanang wiadin istri ;

- Kulawargannya 42 rahina ;
- Banjar ngawit saking wenten sawen utawi kulkul pamitahu salami 12 rahina ;
- Pangapit 42 rahina .

ra. Cuntaka karuron, cuntakanya abulan pitung rahina (42 rahina) tur sampun matirta pamerayascita ;

ka. Cuntaka sakit ila, buduh/edan, cuntakanya manut ilikita pastika saking sang ngawawenang/ sang nambanin miwah sampun mrayascita raga ;

da. Cuntaka pawiwahan, cuntakanya ngantos sasampune matirta pabiukaonan ;

ta. Cuntaka gamia gamana, cuntakanya ngantos sesampune kapalasang/ kasapihang tur sampun kawentenang pamrayascita

sa. Cuntaka salah timpal kapuputang manut ring sastra agama hindu ;

wa. Cuntaka anak istri mobot nenten kawentenan upakara pabiukaonan, cuntakanya nyantos kawentenan upakara pabiukanonan ;

la. Cuntaka mamitra ngalang, cuntakanya ngantos kawentenang upakara pabiukaonang ;

ma. Ngembasang putra nenten kawentenang ipakara pabiukaonan miwah pawidiwidana, cuntakanya ngantos wenten sane mameras sang putra, lan sampun kawentenan upakara manut ring sastra agama hindu .

ga. Cuntaka sad tatayi, cuntakanya ngantos sampun maprayascita raga tur nenten pisan dados ngamunggahang upakara padwijatin .

3. Cuntaka kalayu sekaraan/ kapademan :

ha. Kapendem cuntakanya :

- 1). Cuntaka / sebel kabanjar ngantos 3 rahina riwusnya mendem/manut drestha utawi sasampun polih pamrayascita.
- 2). Kulawargania sajeroning pakarangan ngantos 12 rahina/ manut dresta .

na. Kaabenang cuntakanya :

Sang nyambut karya pitra yadnya cuntakanya ngawit saking nyambut padewasan karya, wusan mapegat kalanturang malih tigang rahina .

4. Sane katiban cuntaka luwire :

ha. Kalayu sekaran sane kacuntaka ;

- 1). Sang sane kalayu sekaran;
- 2). Kulawarganya ;
- 3). Babanjaran (krama banjar) ;

na. Ngraja swala sane kacuntaka ;

- Sang sane ngarajaswala.

ca. Ngembas putra sane kacuntaka :

- Kawulawargania sane ngembasang putra lanang widian istri .

ra. Pawiwahan sane kacuntaka :

- Sang sane kalaksanayang pawiwahan lanang wiadin istri .

ka. Sakit ila/buduh , sane kacuntaka raganya dawak (newek) .

da. Karunon sane kacuntaka :

- Kawula warganya lanang wiadin istri .

ta. Gamia gamana sane kacuntaka :

- 1). Sang sane kalaksanayang gamia gamana ;
- 2). Desa adat nyane .
- sa. Salah timpal sane kacuntaka :
 - 1). Sang sane malaksana salah timpal ;
 - 2). Kulawargannya ;
 - 3). Desa adat/ kahyangan .
- wa. Anak istri mobot nenten kawentenang upacara pabiukaonan sane kacuntaka :
 - Sane maraga istri (sane mobot)
- la. Mamitra ngalang sane kacuntaka :
 - Sane ngalaksanayang mamitra ngalang .
- ma. Ngembas putra nenten kawentenang upakara pabiukaonang miwah upakara pawidi-widian sane kacuntaka :
 - 1). Sang sane ngembasang putra ;
 - 2). Putra sane kaembas .
- ga. Sad tatayi, sane kacuntaka :
 - Sang malaksana sad tatayi .
5. Tan keneng cuntaka, luwire :
 - 1). Sang sulinggih lan pamangku kahyangan tiga ;
 - 2). Rikala piodalan risampun ngalang sasih/ ngalang tengah .

Pawos 47

1. Attiwa –tiwi (pangabenan) kalaksanang antuk :
 - ha. Sawa prateka, pangabenan mawatang sawa ;
 - na. Sawa resi , pangabenan mawatang antuk sawa kresyan ;
 - ca. Swasta, pangabenan mawatang sawa sane tan kakeniang, kagentos antuk lanang utawi toya .
2. Panemayan pangabenan wenten kalih pawos :
 - ha. Ngaben dadakan/ bah bangun manut parapem ;
 - na. Ngaben ngamasa (3 warsa) kautamayang mangda ngaben ring umum, sang tan satinut (mamuuk) wenten sangsinya olih krama banjar sami luwire :
 - Tan polih paduman banjar ;
 - Tan polih patus.
3. Dudonan pangabenan ngawit saking ngagah (seda), ngeseng ngantos pangiriman utawi nganyut .

Pawos 48

1. Peputusan pangabenan wenten kalih pawos :
 - ha. Ngaben ngamasa luwire : beras 1 kg, kelapa maageng 2 lengkat nanggu 2 nyari, papah (klabang) 1 papah, gesing 1 (akatih) utawi manut pararem ;
 - na. Ngaben dadakan luwire : beras 1 kg, jinah Rp. 1.000,- utawi manut pararem
2. Pangingune ring krama banjar ngawit ngayah manut abot dangan kawentenan karya .

Palet 4

Induk Manusa Yadnya

Pawos 49

1. Manusa yadnya inggih punika upakara-upakara dharmaning kahuripan manusa, ngawit sakeng patemoning kama bang kalawan kama petak sajeroning garbha ngantos kalayu sekaran riwekas .

2. Upacara ring ajeng madudosanan sakadi ring sor :
 - ha. Mangedong- gedongan duk ngarempinian ibiang ;
 - na. Duk sang kamareka medal ;
 - ca. Kepus oled ;
 - ra Roras rahina ;
 - ka. Tutug kambuhan (42 rahina) ;
 - da. Nigang sasihin (3 sasih) ;
 - ta. Pawetuan / otonan / odalan (6 sasih) ;
 - sa. Tutug kelih (ngeraja swala wadone, ngembakin lanange)
 - wa. Matatah / mapandes ;
 - la. Mawiwaha ;
 - ma. Mawinten ;
3. Upacara – upacara incup nista, madia, utama manut sastra agama hindu lan dresta. Matatah / mapandes ka dadosang ring umum riwus nyekah ring umum .

Palet 5 Indik Bhuta yadnya

Pawos 50

1. Bhuta jadinya inggih punika upacara- upacara byakala ring pratiwi lan kahyangang, sarwa prani saha upacara – upacara ring babuthan miwah ring piranti sewosan .
2. Upacara pabyakala ring sarwa prani, sarwa tumuwuh muwang piranti luwire :
 - ha. Ring sarwa lelandep rikala saniscara kliwon wara landep ;
 - na. Ring sarwa tumuwuh lan piranti rikala saniscara kliwon wara wariga ;
 - ca. Ring sarwa syandana / wahana rikala saniscara kliwon wara kuningan;
 - ra. Ring sarwa lelangunan rikala saniscara kliwon wara krulut ;
 - ka. Ring sarwa ingon-ingon/ wewalungan rikala saniscara kliwon wara uye ;
 - da. Ring sarwa ringgit, ukir-ukiran rikala saniscara kliwon wara wayang ;
 - ta. Upacara pakala – kalan manusa manut widana, kabawos pabyakala .
3. Upacara pabyakala ring pratiwi, kahyangan lan babuthan kawastaning macaru .
4. Pacarun incup ring ajeng nista, madia, utawi, manut wiguna kadi ring sor :
 - ha. Ekasata ;
 - na. Panca sanak ;
 - ca. Tawur agung ;
 - ra. Panca sata ;
 - ka. Resi gana ;
 - da. Panca kelud ;
5. Sajawaning kadi ring ajeng kawentenang upakara :
 - ha. Majot – jotan utawi jadinya sesa nyabran wusan ngarateng ;
 - na. Masapuh – sapuh rikala pacang wali ring pura ;
 - ca. Pacaruan pasasihan kalaksanayang nangken tilem ngawit sasih ka 5,6,7,8 lan ka 9, sajawanin wenten durbiksan jagat .

Pawos 51

1. Nangken ngawarsa rikalaning tilem kasangka kawentenang tawur kasangka, kalanturang antuk ngarupuk, makacihna pacang mapag rahina panyepian benjangne .
2. Brata panyepian sane kamargiang olih krama desa ;
 - ha. Amati geni ; tankengin maapi-api ;
 - na. Amati karya ; tan kengin ngambut karya ;
 - ca. Amati lelangunan, tan kengin maoneng-onengan, masuwaragora, lan sapanunggalannya .
 - ra Amati lelungan, tan dados malancaran .

3. Pabratan incup kamargiang sakeng semeng ngantos semeng benjangne raris kasuwarayang kulkul punika cihna pangembak .
4. Sang mamurung kecap ring ajeng keni pamidanda manut pararem banjar soang soang kamargiang olih patelik (pacalang desa) . sane
 - Ngawaliang pecaruan sane benjangne ;
 - Sane mamurug lan ngrayanang biyota kadanda Rp. 5.000,- (nyanden petugas).
5. Riwus rahina nyepi (benjangne) maka cihna pangawit isaka warsa, patut warga desa sami madharma santi .

PANCAMA SARGAH

SUKERTA TATA PAWONGAN

Palet 1 Indek pawiwahan

Pawos 52

1. Pawiwahan inggih punika patemoning purusa kalawan pradana, malarapan panunggalan kayun suka lila kadulurin upasaksi sakala niskala .
2. Palaksanaan pawiwahan luwire :
 - ha. Pepadikan , kamanggala antuk pakrunayang ;
 - na. Ngarorod, marangkat riya wawu kakrunayang ;
 - ca. Nyeburin riantukan wadone manggeh santana rajeg .
3. Pidadab sang pacang mawiwaha patut :
 - ha. Sampun sanggeh dahi – taruna (prasida nganutin undang-undang) ;
 - na. Sangkaning pada rena (kapaksa);
 - ca. Manut kecap sastra agama (tan gamia gamana) ;
 - ra Kasudiyang (sudi wadani) prade pangambile tiyos agama, utawi kapatiwangi .
4. Pamargian pawiwahan mangda taler nganutin undang-undang parkawinan sakeng sang ngawawenang .

Pawos 53

1. Pawiwahan sane kapatutang ring desa adat abangan kadi ring sor :
 - ha. Sampun kamargiang pabyakala itawi pasakapan, kasaksiang sakala niskala olih pinandita ;
 - na. Wenten saksi prajuru sane ngilikitayang sang mawiwaha ;
 - ca. Sampun ngatengeran suwara kulkul ;
 - ra Pawiwahan incup ring ajeng sampun kacatetang ring sang ngawawenang .
2. Parabian sane tan manut kadi kacep ring ajeng sinanggeh tan patut .

Pawos 54

1. Tata caraning parabian patut sakadi sor :
 - Sapa sira ugi-pacang ngawarangang pakulawarganya patut masadok ring prajuru, salanuturnya prajuru maritatas manut tan manut kacep parabiane .
2. Pamargin pepadikan manut dudonan :
 - ha. 1). Kapertama antuk sedah sajangkepnyane maka tatakan pakrumun ;
 - 2). Kaping kalih antuk sedah saha polahe makadi ring luwur sakemawon maweweh antuk canang sasantun lan ajuman maka tatakan atur piuninge ring sanggah wadone, yan prade pakrunane sampun katerima olih kulawargan wadone ;

- 3). Kaping tiga polahe taler pateh sakadi sane kaping kalih sakemawon upkaran ipun malianan inggih punika ngangge upakara pajati matatujon majatiang sang kakrunayang mapamit saking rahina sang kakrunayang nenten kantun kakuwub olih kulawargania duwaning sampun kaambil olih sang maraga purusa .
- na. Salantur ipun risampun rawuh padewasane raris kalanturang antuk upacara pawarang- warangan .
- ca. Upacarane sane pinih untat mantuke ring kulawargan wadone wenten sane mawasta mararapan utawi magagapan inggih punika antene lanang wadon saha katututin olih kulawrgania budal kaumah wadone pecak saha makta rarapan marupa anaman bantal sane pacang mawehin kulawarga wadone saha canang daksina jauman sasantun lan jauman sane jaga katur ring sanggar kulawarga wadone
3. Prade ngarorod / ngarangkat patut :
- ha. Reraman lanange ngawentenang pamilaku malarapan antuk duta sakirangnya 2(kalih) diri mamdidartayang ring reraman wadone sane karangkatang ;
- na. Pagenahang antene tan kengin ring dunungan / paumahan sang lanang sadereng mabyakala .
4. Sajeroning pakrunayan / pangelukuan patut :
- ha. Kamanggala antuk geng sinampura arep ring reraman wadone ;
- na. Kaigumang bawos idih pakidih utawi palegayan arep ring pasewakan sang ngidih saha dewasa pawarangane riwekas ;
- ca. Kacihnayang indik kapurusanne prade wadone kaajeng, dados kapatut lanange sane kaedih kabawos pawiwahan nyeburin .
- ra Prade pamalepehe tan katerima, pakrunane taler kamargiang jantos ring tiga salantur ipun mawarangane manggeh kamargiang .
- ka. Pakerabkambean mapiteges upacara tinas apadang (puput) mapikuren duwaning manut sakadi : sajeroning kabawos ambe kalaksanayang ring sakala niskala antuk sarana jauman miwah widhi widana :
- 1). Jauman pinaka ngambe/ ngadungang kayun soang-soang pakulawargan wadone ;
 - 2). Widi widana pajati, satmaka majatiang sajeroning niskala nunas wadone ring pamrajan ;
 - 3). Ngaturang widhi widana pakandelan ring pura puseh matatuwek mangda kaluarga makandelin ida bhatara saha dados mungguh ring bale agung saha kasaksinin olih prajuru .

Palet 2 Indik nyapian

Pawos 55

1. Parabian / pakurenane praside kawusang malarapan antuk palas silih tunggil padem / seda .
2. Palas parabiane wenten kalih pawos inggih punik sangkaning pada lila miwah mawiwit wicara .
3. Sang ayat palas marabian patut atur supeksa rihin ring sang rumawos, risampun tinas apakadang pamutuse kabawos nyapian wawu i prajuru nyarwakang kawentenian ring desa saha kakeninin panebas swaran kulkul manut pararem .

Pawos 56

Tata cara palas marabian sakadi ring sor :

- ha. Pangunakayan polih pahan pada ;

- na. Pabekel, tadtadan soang-soang kawawa niri-niri ,warisan kawawa olih sang manggfeh purusa ;
- ca. Nyakolahang miwah ngupapira pratisentana manut swadharmaning guru rupaka patut kalaksanayang olih guru rupaka.
- ra. Nawur pamidanda panebasan swaran kulkul manut pararem;

Pawos 57

Prade riwekas sang palas kacihna adung malih, patut :

- ha. Ngalaksanayang pawiwahan malih ;
- na. Keni pamidanda nikel saking palase yadiastun wit palase pecak sangkaning pada lila .
- nb.

Pawos 58

1. Sang balu kabinayang dados kalih :
 - ha. Balu luh wit sentana (sentana rajeg) miwah balu luh boya sentana ;
 - na. Balu lanang kapurusa (wit sentana) miwah balu nyeburin (boya sentana) .
2. Swadharmaning balu inucap patut :
 - ha. Ngamanggehang patibrata tan kengin ngamargiang paradara / drati krama ;
 - na. Nguasayang waris, pagunakaya, tan dados ngadol , ngadeang, makidihang lan sane siyosan sajawaning saking kabebasan wekania utawi kulawargania sane pinih tampek saking purusa yan prade wekania kantun alit-alit .
 - ca. Kengin ngidihsentana prade wenten pidabdab sadurung sinalih tunggil lampus, saha kabebasang olih kulawargania sane kasinanggeh kapurusa ;
 - ra. Kawenang malih mawiwaha, prade wenten kebebasang manut angka / aksara ring ajeng .

Pawos 59

Balu kaucap tan pageh sakadi ring sor :

- ha. Daratikrama utawi paradara ;
- na. Matilar saking pakubon tan pasadok jantos 6(enam) sasih ;
- ca. Lempas ring swadharma sewos-sewosan, tan prasida ngesehin solih maprawerti arep ring pituduh sane patut sakeng kulawarga purusa .

Palet 3 Indik Sentana

Pawos 60

1. Sentana wenten 3(tigang) pawos, sane kaucap pratisentana lanang, pratisentana wadon (rajeg) miwah sentana paperasan .
2. Pratisentana inggih punika sentana sane metu saking pawiwahan kapatut .
3. Prade pawiwahan tan kapatut ngawetuang sentana, mangda tan kantun kawastanin babinjat utawi astra, yogya kamanggalain antuk panyangaskara .
4. Prade pawiwahan tan ngawatuang sentana kengin ngidih sentana antuk upasaksi sakala niskala sane kawastanin sentana paperasan saha saking kulawarga sane pinih nampek pakilitan ipun, pamekas sane saking purusa yan tan, wenten saking purusa kawenang saking wadon miwah saking sane lianan .

Pawos 61

1. Ngadegang sentana manut dudonan patut masrana antuk upakara pamerasan saha kasaksiang ring sakala niskala .
2. Sapa sira ugi krama pacang ngidih sentana patut masadok ring bendesa sanistana 3 (tigang) sasih sadereng pamerasan .
3. Bendesa kasuksukin olih klihan banjar mangda digelis nyarwakang ring sawidangan desa, sang sapa sira ugi rumasa tan lila mangda nyadokang masengker kalih uku (14 rahina) sadereng pamerasan ;
4. Prade sulur pamerasan tan manut kadi kecap ring ajeng, prajuru desa wenang ngandeg sang pacang mameras saha ngicenin pamutus mangda kaputusing riyin babawos, sulur utawi wicaranya .

Pawos 62

1. Paperasan sane sampun kabawos patut ring desa adat abangan inggih punika :
 - ha. Ngalaksanayang widhi-widana paperasan ;
 - na. Kasaksinin olih prajuru desa ;
 - ca. Kajarwakang ring wawidangan desane .
2. Sane kapatutang anggen sentana sakadi ring sor :
 - ha. Nginutin agama hindu
 - na. Papernahan nedunang saking sang meras :
 - ca. Kulawarga saking purusa, prade tan wenten kengin sakeng wadon, yening taler tan wenten wawu kengin saking anak lianan ;
3. Kengin ngadegang sentana langkungan ring adiri, lanang wiadin wadon, prade ngangkat sentana lanang wadon, nenten dados kapawiwahang .

Palet 4 Indik warisan

Pawos 63

1. Warisan inggih punika tetamian arta berana saha ayah-ayah ngupadi kasukertan sakala lan niskala saking kaluhurannya arep ring turunannya .
2. Kang sinanggeh warisan luwire :
 - ha. Duwe tengah, makadi tegal/carik, karang ayahan desa, kahyangan ;
 - na. Pamerajan / sanggah ;
 - ca. Pagunakayan, tadtadan / jiwa dana, hutang piutang muah sane lianan
3. Wawu kengin kabawos warisan prade wenten :
 - ha. Sang mapiturun (pawaris) ;
 - na. Katurunan (ahli waris) ;
 - ca. Arta berana miwah tategenan (ayah-ayahan) makacihna warisan .

Pawos 64

1. Sang kasinanggeh ahli waris luwir ipun :
 - ha. Pratisentana purusa ;
 - na. Pratisentana pradana (sentana rajeg) ;
 - ca. Sentana paperasan lanang / wadon .
2. Prade tan wenten sakadi ring ajeng, kang sinanggeh ahli waris inggih punika ;
 - ha. Turunan purusa pernah ngunggahang, rerama misan mindon ;
 - na. Turunan purusa pernah kasamping makadi kaponakan misan , mindon;

Pawos 65

Swadharmaning alih waris patut :

- ha. Nerima saha nguwasayang tetamian pahan saking kaluhuranya, makadi mrajan/sanggah, pura saha pangupakaranya miwah nyelididinin ayah-ayahan pawaris ;
- na. Ngabenang pawaris saha ngalanturang ipacara-upakara pitra .
- ca. Nawurin hutang-hutang pawaris manut pangeloika .

Pawos 66

Pangepahan pawaris manut sakadi ring sor :

- ha. Risampun kalaksanayang pitra yadnya lan hutang-hutang pawaris buntas sami katawur ;
- na. Para waris polih pahan artha lan ayah-ayahan pada-pada sakemawon ayah-ayahania kengin maganti-ganti ;
- ca. Sinalih tunggil ahli waris kengin tan polih pahan prade :
 - 1). Nilar kawitan lan sesananing agama ;
 - 2). Alpara guru rupaka ;
 - 3). Sentana rajeg kesah mawiwaha utawi dados pratisentana nyeburin, soang-soang kabawos ninggal kadaton .
- ra. Boya dados waris taler polih upon-upon manut dudonan luwire :
 - 1). Sentana luh salami dereng kesah mawiwaha utawi tan alpaka guru ;
 - 2). Balu luh wiadin muani nyeburin (soang-soang boyu sentana) ;
 - 3). Mulih daha utawi taruna, riantukan ring pawiwahane pecak sampun kabawos ninggal kadaton sentana taler nenten kantun kasengguh sentana .
- ka. Pawaris kengin maweweh rikala maurip pinaka jiwa dana, tadtadan/bekel, makacihna paweweh tetep ring pianak sane kesah mawiwaha .

Pawos 67

1. Prade ring sajeroning pakulawarga wenten ahli waris langkungan ring adiri patut :
 - ha. Kawentenang paigum indik pedum waris inucap ;
 - na. Yen tan prasida katunasang tatimbang ring prajuru utawi kengin katumusang ring sang rumawos .
2. Prade jantos karang desa kaepah utawi kasepih patut soang-soang nedunin makrama desa ngarep taler kengin maganti .
3. Prade karang inucap kaputungan , patut prajuru nibakang ring :
 - ha. Sang sinanggeh ahli waris manut pawos 66 ;
 - na. Sang kengin anggen sentana manut pawos 64 angka (2) miwah angka (3) ;
 - ca. Prade taler tan wenten cumpu ring panepas kerta desa, kengin katumusang ring sang rumawos .

SAT SARGAH

WICARA LAN PAMIDANDA

Palet 1
Indik wicara

Pawos 68

1. Sane wenang mawosin makadi murusang wicara ring desa inggih punika prajuru / dulu desa sinanggeh kerta desa .
2. Tata dudonan mawosin saha muputang wicara warga desa kadi ring sor :
 - ha. Kaping ajeng kabawosin olih kelihan banjar ;
 - na. Tan cumpu ring panepas kelihan banjar, karerehang pamutus ring paruman banjar .
 - ca. Prade tan cumpu ring pamutus banjar, katumusang ring bendesa adat lan kerta desa .
 - ra. Taler tan wenten cumpa ring pamutus bendesa lan kerta desa katunasang ring paruman desa adat .
3. Prade sang mawicara tan wenten cumpa ring pamutus paruman desa lan kerta desa , kengin nunasang muwacara inucap ring sang rumawos .

Pawos 69

1. Sahanan wicara mawiwit kacorahan saka luwire sinanggeh nungkasin daging awig-awig, pararem miwah paswaran desa/ banjar, prajuru / dulu patut digelis mawosin tan nyantos pasadok .
2. Sajaba wicara kadi ring ajeng patut nyantosang pasadok sang nunas bawos .
3. Panepase patut pastika nyantenang iwang patut malarapan tri pramana (saksi, ilikita, bukti) miwah tan maren nepek ring catur dresta .

Palet 2
Indik pamidanda

Pawos 70

1. Desa / banjar wenang niwakadi pamidanda ring warga desa/ banjar sane sisip .
2. Paniwak inucap kalaksanayang olih bendesa / klihan banjar .
3. Bacakan pamidanda luwire :
 - ha. Ayahan panukun kasisipan ;
 - na. Danda arta ;
 - ca. Kanorayang ;
 - ra. Panyangsangkara ;
4. Pamidanda sane katiwakang patut masor singgih manut ring kasisipane .
5. Jinah utawi raja brana pamidanda ngaranjing dados druwen desa/ banjar .

Pawos 71
Indik Rerampagan

1. Krama desa langkungan ring tigang paruman ngalantur tan nawur utawi miwah dadandan wenang karampag .
2. Polahe ngarampag tata cara ipun sakadi ring sor :
 - ha. Kalaksanayang olih prajuru kasarengin olih krama desa saakeha tigang diri maka saksi ;
 - na. Sang ngarampag sangkanin darsana ngambil barang utawi ngawenin tanem tuwah, akehnya manut ring utawi sang karampag, sang karampag mangda lila nyukserahang barangnya sane dados wala ;
 - ca. Prajuru miteketang mangda barang-barang sane karampag digelis katebus, masengker awuku (7 rahina) ring kutus rahinane pacang kaadol ;

- ra Tan nganinin saluwir barang sane patut inggilang manut agama miwah tan mademang pangupa jiwa sang karampag .
3. Prade sang pacang karampag ngawarga (ngalengin) mawastu sampun tan nganutin awig-awig desa abangan punika wenang karang desa sane kagenahin kadaut olih I Krama Desa .
 4. Pamidanda inucap ring ajeng keni buntas risampun sang kakeninin :
 - ha. Nunas geng pangampura ring krama desa riantukan nguak pasubaya (pararem) pecak ;
 - na. Nawur pangargan panguak pasubayane duk pacang karampag kadulurin antuk prayascita panyapsap kaiwangane ring desa .

Pawos 72

Indik Pecamil

Sahananing rancangan/ bebawos utawi kakaryan sane sampun kamanggehang tur kaingkupin ring paruman olih I Krama Desa/Banjar mawastu wenten silih tunggil I Krama Sane ngucapang rancangan babawos utawi kakaryan punika nenten patut, wong inucap kakeninin pamidanda pacamil manut pararem .

Pawos 73

Pararem – pararem

1. Paruman desa utawi banjar patut ngamedalang pararem-pararem anggeang mitegepin awignia nunggal-nunggal manut dudonan .
2. Daging sahanan pararem patut saeloan ring daging awig-awig .
3. Sane patut kaunggahang ring pararem minekadin ipun :
 - ha. Dewasa ngawitin kasobyahang daging awig-awig lan sane mabuat ;
 - na. Raincikan bacakan daging awig-awig sane mabuat ;
 - ca. Agung alit pamidanda panikel-panikel lan salantur ipun ;
 - ra Tatasulur ngamargiang daging awig-awig ;
 - ka. Sahanan indik sane siwosan sane wenten kilitan ipun maka pamitegep daging awig-awig punika .

Pawos 74

Paruman parajuru tan maren patut :

- ha. Saeloan ring daging awig-awig lan pararem-pararem ;
- na. Manut ring adat, agama, sastra, miwah desa dresta ;
- ca. Pastika nyantenang agung alit pamidandania yan kapurug .

SAPTAMA SARGAH

NGUWAH-NGUWUHIN AWIG-AWIG

Pawos 75

1. Nguwah-nguwuhin awig-awig desa puniki kalaksanayang ring paruman desa .
2. Awig-awig puniki kamargiang ngawit kaingkupin (kararemin) .
- 3.

Pawos 76

1. Sakaluwirin sane wenten saderengnya patut kaanutang ring sadaging awig-awig puniki .
2. Sakaluwiring sane durung kabawos sajeroning awig-awig puniki patut kalaksanayang manut tata cara sane sampun mamargi kadulurin antuk pararem-pararem .

ASTRA SARGAH

SAMAPTA

Pawos 77

1. Awig – awig puniki kararemin duk rahina soma paing warigadian pananggal 2 sasih jyestha isaka 1921 tanggal masehi 17 mei 1999 ring wantilan desa adat abangan .
2. Awig – awig puniki kalingga tanganin olih bendesa lan prajuru adat, kasarengin klian banjar, saha kasaksinin olih prajuru dinas pinaka saksi .
3. Luwir sang ngalingga tanganin :
 ha. Kaprathama prajuru adat :

1.Desadadat Abangan

2. Penyarikan

